



## Skjåk kommune Plan, samfunn og miljø

Ålesund-Sunnmøre Turistforening  
Postboks 250  
6001 ÅLESUND

### Delegert vedtak

Vår ref  
2013/23/7/K12

Dykkar ref:

Saksbehandlar  
Tor Taraldsrud  
tor.taraldsrud@skjaak.kommune.no

Dato  
07.02.2013

### Saka gjeld: Kvisting i Tafjordfjella før påske - 2013

#### Saksopplysning:

Ålesund og Sunnmøre Turistforening har i brev dagsett 27.12.12 søkt om følgjande: ”Vi viser til tidlige kvisting som vi mener fungerer ypperlig uten noen form for problemer.

Vi har fått mange positive tilbakemeldinger fra skigåere, spesielt med hensyn på det sikkerhetsmessige aspekt.

Som tidligere år, vil vi også i 2013 kviste løypa i løpet av februar og mars:

#### **Tunga — Pyttbua — Veltdalshytta — Danskehytta - Grotli.**

Vi håper dere ikke har noen motforestillinger til kvistingen, og vi ber i så fall om et snarlig svar.

I 2013 skal Skjåk Røde Kors Hjelpekorps ta kvistinga for oss. Lars Fransplass tar kvistinga fra Brøste og inn til Veltdalshytta i samarbeid med mannskap fra ÅST.”

#### Vurdering:

Den omsøkte trasèen går gjennom Reinheimen nasjonalpark i Skjåk kommune.

I forvaltningsplan for Reinheimen heiter det:

*”Ved merking av vintermerka løyper i regi av Ålesund og Sunnmøre Turistforening / DNT Oslo og Omegn, jf forvaltningsplanen kap 4.4.1 tabell 3 og temakart nr 3, kan det gjevast dispensasjon (jf verneforskrifta § 4) for bruk av snøscooter ved oppsetting og nedattaking av merkekvistar, men ikkje for tilsyn med løypene.”*

Trasèen som er søkt kvista er såleis heimla i Forvaltningsplan for Reinheimen.

I følge § 7 i Naturmangfaldslova skal søknaden vurderast etter dei miljørettslege prinsipp som går fram av Naturmangfaldlova § 8–12:

§ 8 - kunnskapsgrunnlaget: På bakgrunn av kunnskapsinnsamling i samband med verneplanprosessen for Reinheimen er kunnskapsgrunnlaget for området godt. Tiltaket er med i forvaltningsplanen, og verksemda har gått føre over fleire år utan at negative verknadar på natur og miljø er kjent.

§ 9 - føre-var prinsippet: Kunnskapsgrunnlaget er godt. Det er ikkje sannsynleg at løyvet vil medføre risiko for irreversibel skade på naturmangfaldet.

Postadresse  
2690 Skjåk  
E-post: post@skjaak.kommune.no

Heimeside  
www.skjaak.kommune.no

Telefon  
61217000  
Telefaks  
61217001

Bank  
2085.07.40004  
Org.nr  
961381096

§ 10 - samla belastning for økosystemet: Samla belastning i området blir ikkje vurdert som skadeleg for økosystemet.

§ 11 – kostnader ved miljøskade: Blir vurdert som lite relevant når det gjeld denne søknaden.

§ 12 - miljøforsvarlege teknikkar, driftsmetodar og lokalisering: Bruk av snøscooter til dette transportføremålet blir vurdert til å vera tenleg og miljømessig forsvarleg.

I forskrifta for Reinheimen nasjonalpark er det ikkje paragrafer som direkte nemner at motorferdsel i samband med skiløypemerking er direkte heimla eller kan tillatast etter søknad. Kvisting/merking av omsøkt trasé starta for nokre år sidan og det er knytt eit vesentleg sikkerheitsaspekt til kvistinga. I § 48 i Naturmangfaldlova er sikkerheitsomsyn kome inn som ei grunngeving for å kunne gi dispensasjon. Blir kvistinga utført på ein omsynsfull måte skal det ikkje påverke verneverdiane nemneverdig eller stride mot verneformålet.

Forvaltningsmyndigheita vurderer derfor formålet saman med vurderingane etter NML §§ 8 – 12 som tilstrekkelig til å kunne gi dispensasjon frå verneforskrifta som omsøkt på vilkår.

Løypa som skal stikkast er lang, Skjåk kommune ser at det kan vera naudsynt med fleire snøscooterar samtidig for å få med alle stikk. Etter vår vurdering gir det mindre belastning på naturen med ein tur med fleire snøscooterar enn fleire turar med ein snøscooter. Det blir derfor gjeve løyve til å nytte 4 snøscooterar samstundes, på same måte som i 2012. Skjåk røde kors hjelpekorps har og stikking av trasèen Billingen - Torsbu - Kariløytet og kan kombinere desse oppdraga og bidra til mindre motorferdsel totalt sett.

#### **Vedtak:**

Med heimel i naturmangfaldlova § 48 får Ålesund og Sunnmøre Turistforening løyve til å bruke snøscooter vinteren 2013 i samband med merking/kvisting av skiløype etter etablert trase iht. temakart 3 i forvaltningsplan for Reinheimen: Tunga – Pyttbua - Veltdalshytta og vidare mot Danskehytta - Grotli.

Løyvet blir gjeve på følgjande vilkår:

1. Løyvet gjeld den del av traseen som ligg innanfor Skjåk kommune.
2. Kvistinga skal skje ved Skjåk Røde Kors Hjelpekorps, med inntil 4 snøscooterar.
3. Det skal brukast naturleg nedbrytbart materiale (kvist) til kvistinga.
4. Løyvet gjeld ikkje tilsyn med kvistinga.
5. SNO v/ Per Olav Haugen (tlf. 97 05 72 13), skal varslast på førehand om når oppdraget blir gjennomført og kven som skal delta, og for innhente opplysningar om villrein.
6. All køyring skal skje så skånsamt som råd, med tanke på natur og miljø.
7. Det skal takast spesielt omsyn til villreinen under transporten. Om det er rein i planlagt køyrerute skal man vente til dyra har trekt unna, eller til ein kan køyre rundt dyra i en avstand på minimum 500 m på le side.
8. Det skal førast køyrebok som blir utfylt på førehand og som følgjer med under køyringa. Forvaltningstyresmakta skal ha køyreboka til gjennomsyn innan 5.juni 2013.

Løyvet avgrensar ikkje grunneigaren sin rett til å nekte ferdsel på eigen grunn. Det er søkjaren sitt ansvar å innhente dette.

Vedtaket kan klagast til Direktoratet for naturforvaltning. Klaga skal sendast skriftleg til **Skjåk kommune**. Gje opplysning om vedtaket det blir klaga over, den eller dei endringane du ynskjer, og dei grunnane du vil leggje til grunn for klaga.

Klagefristen er 3 veker rekna frå den dagen brevet kom fram til adressaten. Klaga må vera postlagt innan fristens utløp. Dersom du klagar så seint at det kan vere tvil om du har klaga i rett tid, må du og opplyse når denne meldinga kom fram.

Med helsing



Tor Taraldsrud  
Miljøvernkonsulent

Kopi til:

DN  
FM Oppland  
KUR  
Lesja kommune  
Lom kommune  
Norrdal kommune

Rauma kommune  
Vågå kommune  
SNO-Skjåk  
SNO-Åndalsnes  
Skjåk Almenning